

Zehund folget wie ihr die Anima/das ist/Sulphur  
Solis oder Philosophorum scheiden sollet von den  
andern zwey Elementen/vt Theophrastus  
docet in Thesauro Thesaur  
rorum.

**N**emmet das Aquam Mercurialem/darauff der Geist vnnd  
die Anima noch stehet/thut es in einen ganken Kolben/ setz  
es auff eine warme Aschen oder Sand/ aber Aschen ist bes  
ser/vnd laßt es warm werden/doch nit zu heiß/auff das ihr keinen  
schaden daruon empfahen/vnnd wenn es warm ist/so scheidet es  
durch Trittorium ganz wol/dz gar kein Wasser darbey bleibe/vñ  
thut sie in ein rein sauber Gläßlein/vnd mit vnser Lutung wol ver  
lutiirt/sonsten behalt ihr nichts/vnd verwahret sie/biß vnden wei  
ter meldung daruon geschicht/2c. Vnder des können ihr die obere  
Terra mehr bereiten/eben vnd gleicher gestalt/wie bißher gemelt/  
oder köndtet etliche Kolben voll zugleich auff ein mal in die Pus  
trifaction setzen/vnd wie sonsten gelehrt/vñ beschreiben/procedie  
ren. Vnd wenn ihr der Terra ein zimliche Quantitet habē/so thut  
sie in ein vnuerglasürte Scherben/vnnd laßt sie bey m Haffner ein  
mal oder siebē im allerheissesten Orth breñen/vnd calcinieren/vnd  
wann sie ganz subtil vnd schön Leibfarbe worden ist/so nemmen sie  
vnd reibet sie auff einem Marmelstein ganz wol/Reuerberiert sie  
drey mal/vnter des aber weil ihr ewer Terra calcinieren vnd bren  
nen lasset/so nemmet die zwey Element/Wasser vnd Lufft/giesset  
vnd thut sie in einen reinen beschlagenen Kolben/vnnd distilliert es  
sieben mal oder mehr/auff das es ganz klar/hell vnnd gestlich wer  
de/vnd wann es nuhn also bereitet vnd zum extrahieren tüchtig/so  
nempt von ewer schönen Leibfarber wolgeribener Erden/ein zim  
lichen theil/doch nicht zu vil/thut sie in einen neuen Kolben/vnnd  
giesset in zimlicher Quantitet/das es vast drey Finger hoch darü  
ber gehet/ewer jek gemelts Geistlich gemachtes Wasser darüber/  
doch das ihr des Geistlichen Wassers ein theil behaltet/ewer nach  
mals extrahierte vnd reuerberierte Terra allzeit darinn auffzulös  
sen/dann es muß nicht gebrauchet seyn/wenn ihr das zu soluiertüg  
h ewer